

词学研究通信(上)

朱彊村 夏承焘作

吴无闻 注释

(一)夏承焘致朱彊村函

(一九二九年十月)

彊村先生史席^①：

七八年前，林铁尊道尹宦温州时^②，曾承其介数词请益于先生，并于林公处数见先生手教。日月不居，计先生忘怀久久矣。顷从事梦窗年谱^③，于尊著词笺^④略有出入。又得四川周癸叔（岸登）^⑤、江西龙榆生^⑥二先生书，敬悉先生履定一二。怀企之私，不能自己。因为此书，冒昧求通于左右，尚祈鉴其响往之诚，一一垂教之。承焘学词未久，重以饥驱，不能专业于此。曩尝欲于先生、半塘^⑦、伯宛^⑧诸老搜讨校勘之外，勉为知人论世之事，作词人年谱及词集考证数种。梦窗一种，兹另纸写生卒考呈政。其余一得之愚，尚有须就正于先生者，如定飞卿为彦博六世孙^⑨，生元和六、七年间，长义山数岁，以匡顾嗣立^⑩诗笺以李蔚当淮南李仆射之误。（依顾注飞卿当迟生廿余年，与事实皆不符，盖未寻李德裕传定也。）谪万城、隋县在大中十三年，以折衷新旧唐书、《唐摭言》、《南部新书》、《东观奏记》、《云溪友议》诸说之纷拏无据。定白石^⑪生年

在绍兴二十年左右,以正“江西志”:秦桧当国时隐居箬坑丁山累荐不起说之失实。据《侯鯖录》,考定子野^⑫生年应从东坡垂虹游记,而《齐东野语》引孙莘老^⑬张氏十咏图跋不可信。定蔡萧闲^⑭从兀朮伐宋在绍兴四年,以正《金史》本传之颠倒。又韦庄^⑮当生开成元、二年,吴彦高非王履道^⑯外孙(《中州乐府》说不确)使金被留在天会五年,人月圆词乃其绝笔等等。虽皆琐琐无关大旨,而撻埴索涂,曾费心力不少。不知足当先生一笑否?词集考证,体例差同江宾谷^⑰二书。已写成者,有白石、子野、明秀数种,辍作不恒,理董有待,将来尚拟写出求教也。客处僻左^⑱,无师友之助。海内仰止,惟有先生。而自顾赧然,振笔屡辍。惟念自半塘、蕙风^⑲、静安^⑳诸公先后雕谢,先生亦垂垂老矣。绪风将坠,绝学堪忧,承焘虽非其人,而蚊蚋负山,旁礴而出,不自量其力之不任,先生倘亦怜其向学之殷,不以为不可教而终靳之乎?奉手无日,祷颂何如?翹企还云,不尽一一,敬承道安。

夏承焘拜启十月二十七日

注

①〔彊村〕近代词人朱孝臧号。原名祖谋,字古微,号沔尹,又号彊村,浙江归安(今湖州)人。光绪进士,官至礼部侍郎。其词集名《彊村语业》。并辑刻唐宋金元人词为《彊村丛书》。

②〔林铁尊〕林鷗翔字。浙江归安人。光绪二十八年举人,官至温州府道尹。有《半樱词》二卷,《续半樱词》二卷。

③〔梦窗年谱〕南宋词人吴文英号梦窗。浙江四明(今宁波)人。其词集名《梦窗甲乙丙丁四稿》。《梦窗年谱》收入夏著《唐宋词人年谱》中(改名《吴梦窗系年》)。

④〔尊著词笺〕指朱著《梦窗词集小笺》。

⑤〔周癸叔〕周岸登号,字道援。四川威远人。官广西知县,又任厦门大学教授。有《蜀雅》十二卷。

⑥〔龙榆生〕龙沐勋字。江西万载人。暨南大学教授。曾主编《词学季刊》。

⑦〔半塘〕近代词人王鹏运号,字幼遐,又号鹜翁。广西临桂(今桂林)人。同治举人。官至礼部掌印给事中。有《半塘定稿》等多种。并辑刻《四印斋所刻词》。

⑧〔伯宛〕近代词人吴昌绶字。一字甘遁，号印丞，晚号松邻。浙江仁和（今杭州）人。光绪三十三年举人，官内阁中书。有《松邻遗词》一卷，《双照楼汇刻宋元人词》六十一卷。

⑨〔定飞卿为彦博六世孙〕飞卿，唐词人温庭筠字，本名岐。太原祁人。官止国子助教。其词大部分收入《金奁集》、《花间集》，有《温庭筠集》。彦博字大临，贞观中官中书令，进尚书右仆射。卒谥恭。“定飞卿为彦博六世孙”，见《唐宋词人年谱·温飞卿系年》三八三页。

⑩〔顾嗣立〕字侠君，康熙进士。注韩昌黎、温飞卿诗，皆盛行于世。

⑪〔白石〕南宋词人姜夔号白石道人。其词集号《白石道人歌曲》。

⑫〔子野〕北宋词人张先字。浙江乌程（今湖州）人。天圣进士，历官都官郎中。有《安陆集》。

⑬〔孙莘老〕北宋孙觉字莘老。江苏高邮人。官至御史中丞。

⑭〔蔡萧闲〕金词人蔡松年字伯坚，号萧闲老人。河北真定（今正定）人。有《明秀集》。

⑮〔韦庄〕五代前蜀词人，字端己，长安杜陵（今陕西西安）人。乾宁进士。后仕蜀，官至宰相。有《浣花集》。

⑯〔吴彦高、王履道〕金吴激字彦高，有《东山集》。宋王安中字履道，政和中擢御史中丞，有《初寮集》。

⑰〔江宾谷〕清江昱字宾谷，乾隆时廪生。有《潇湘听雨录》、《清泉志》等著作。

⑱〔客处僻左〕时作者任教于浙江严州中学。

⑲〔蕙风〕近代词人况周颐，号蕙风。广西临桂（今桂林）人。光绪举人。官内阁中书。有《蕙风词》、《蕙风词话》。

⑳〔静安〕王国维字。浙江海宁人。有《海宁王静安先生遗书》。

（二）朱彊村致夏承焘函

（一九二九年十一月）

耀禅道兄阁下：

榆生兄转贲惠笺，十年影事，约略眼中。而我兄修学之猛，索古之精，不朽盛业，跂足可待，佩仰曷极！梦窗生卒，考订凿凿可信，益惭谤说之莽鹵矣。梦窗与翁时可、际可二人为亲伯仲，草窗^①之说也。疑本为翁氏，出为吴后。今四明、鄞、慈^②诸邑，翁姓甚繁。倘有宋时家牒可考，则梦窗世系亦可瞭然。弟曩曾丐人广求翁谱，

未之得也。我兄于彼郡人士有相洽而好事者，或竟求得佳证。梦窗系属八百年未发之疑，自我兄而昭晰，岂非词林美谈？阁下其有意乎？弟衰慵之质，无可举似。閤著有写定者，尚盼先睹也。率复，即颂

撰安不一一

弟期孝臧顿首十一月初六日

注

①〔草窗〕南宋词人周密号。浙江吴兴人。著有《草窗词》、《武林旧事》、《齐东野语》等书。

②〔鄞、慈〕鄞，浙江鄞县。慈，浙江慈溪。

(三)夏承焘致朱彊村函

(一九二九年十二月)

彊村先生赐鉴：

奉诵手教，奖借殷勤，愧无以当。梦窗生卒考，臆妄之见，承诲尤感。鄞、慈翁姓家牒，当遵教博访。区区发愿，欲于先生及半塘诸公校梦^①之后，别寻蹊径，特恐非薄劣所能胜耳。兹犹有请益者：况蕙风先生香东漫笔记灵鹫阁^②藏乾隆写本白石歌曲，为许增^③校刻姜集所未见者，况翁自谓曾逸录一本。晚生往年妄为白石词作考证，以觅此本未获，不敢写定。况翁故后，此本及灵鹫原本尚可求得否？晤榆生见时，乞属其转示，不胜企祷。拙作数种，俟写出，当一一求政。冬归过沪，拟偕榆生兄一亲麈教，书辞不尽，预为接席请诲资也。肃颂道祉曼曼。

晚生夏承焘拜十二月十一日

注

①[校梦]指校勘梦窗词。

②[灵鹤阁]清江标尝刻《灵鹤阁丛书》。

③[许增]字迈孙，号益斋。清季人。有《榆园丛书》。

(四)朱彊村致夏承焘函

(一九二九年十二月)

曜禅我兄足下：

顷奉还云，敬承一一。灵鹤阁藏白石词，固未寓目。即况氏移写本，亦未获睹，殆已易主矣。沈阳陈思亦有白石词考证及年谱，弟曾睹稿本，极翔实，惜未刊行。陈君在北方，近亦不稔其踪迹也。台从道沪，幸一相闻，当图良晤。率复，即颂

撰安

弟期孝臧顿首十二月十八日

注

①[陈思]字慈首。

(五)朱彊村致夏承焘函

(一九三〇年八月)

曜禅我兄著席：

为别数月，得书良慰。新作词高朗，诗沉窈^①。杲明^②何人，甚愿知其姓名学行也。刘子庚十年前曾一见，所辑词当是别后所得，中惟篁嶮(字书无此字，而《广韵》有嶮字，疑系写之误)词得一

见，仅三数阅，故未刻。刘本能略增否？尊友所藏，必求宛转代假为盼。邮局挂号，决无他虞。夏间小极，承注谢谢。何时道沪，甚盼一握手。书画写上。复颂

撰安！

弟孝臧顿首八月十六日

注

①[新作词高朗，诗沉窈]二句指夏承焘随函附呈之《浪淘沙·过桐庐》词及《挽杲明》诗。

②[杲明]见④夏承焘函。

(六)夏承焘致朱彊村函

(一九三〇年十月)

彊村先生侍者：

敬启者，旬前榆生兄信来，知道履违和，比惟久久勿药，遥符臆祝矣。晚生顷于友人许觅得江山刘子庚先生《唐五代宋辽金元词辑》二册^①，其中传刻古本非出刘君纂辑者有《金荃词》（海源阁藏元刻本共七十二首附裴成词四首）、《荆台佣稿》（费氏藏宋刻本）、《舒学士词》（天一阁本）、《柯山词》、《月岩集》（皆文澜阁本）、《篁嶸词》（善本书室本）、《秋崖词》、《碧涧词》（关中图书馆本）、《宣懿皇后集》（四朝名贤词本）、《黄华先生词》、《疏斋词》（皆铁琴铜剑楼本）十一种，皆尊刻丛书^②所未收者。刘书曾在北京大学排印讲义，纸墨甚劣，传本尤少。侍者如欲假观，当即嘱友人寄奉。尊刻闾幽表微，搜讨殷勤。此戈戈者，倘不忍其沦佚，为甄录数种，则沾溉后学无穷矣。钱塘秋潮，今年倍大，文从乘兴，尤极延伫。附奉薄楮一方，敬乞如椽^③题《白石道人歌曲考证》六字，为拙作光宠。

淡冒清神，无任屏营。肃息，顺颂道安。

夏承焘拜启十月六日

注

①〔刘子庚〕名毓盘，浙江江山人。晚清以举人服官陕西。后任北京大学教授。著有《词史》、《唐五代宋辽金元词辑》、《唵椒词》等。

②〔尊刻丛书〕指《彊村丛书》。

③〔如椽〕指篆笔。《晋书》：“王珣梦人授大笔如椽，既觉，语人曰：‘此当为大手笔事。’今称他人之文字曰椽笔。”

（七）夏承焘致朱彊村函

（一九三〇年十月）

彊村先生侍右：

手教诵悉。承为拙著题签，并惠陈、曾二公词，拜登敬谢。刘子庚先生词辑，顷检友人顾君^①所藏，犹缺数种。西湖图书馆刘君寄赠全部，明后日准赴杭假得邮奉。晚生见刘书，止此二种也。友人李杲明，名杲，瑞安人。早岁治六朝文甚工，近为金文龟甲之学。今夏以东莞容君（庚）之招，冒暑北行，抵北京五日，即以危疾歿。遗著有《说文解字古文疏证》一种。晚生等方谋为刊本，承询并以奉闻。顷校读宋词，冬间过沪，尚有数事求教。肃复，顺颂道安。

夏承焘拜启十月十日

注

①〔顾君〕指之江大学教授顾敦铄。

②〔容庚〕字希白，现中山大学教授。